



~~C7845~~

№ 9688



№ 9688

SEPTIZONIVM

TRIVMPHALE,

ad Augustam Inaugurationem,

SERENISSIMI ET POTENTISSIMI
PRINCIPIS,

MICHAELIS
KORYBVTH

Dei Gratiâ

REGIS POLONIÆ,

Magni Ducis Lithuaniae, Russiae, Prussiae, Ma-
sovia, Samogitiae, Liuania, Smolensciae, Kiiouiae,
Volhyniae, Podoliae, Podlachiae, Czerniechouiae; &c.

DNI DNI CLEMENTISSIMI:

*Inter maximos publicorum operum apparatus, communemq;
Orbis Sarmatici latitiam, auspiciatissimi ominis,
& immortalis gloria,
ergo:*

A

M. STANISLAO IOSEPHO BIEZANOWSKI Leopold:
in Alma Vniuersitate Cracouiensi Philosophiae Doctore,
Collega Minore, Ordinario Poëseos Professore:

opere literato

E R E C T V M.

Anno restauratae salutis, M. DC. LXIX. Die 29. Septemb.

C R A C O V I A E,

In Officina Typogr. Stanislai Piotrkowczyk, S. R. M. Typogr.



Admiranda Tui, PRINCEPS, electio Sceptri,
 Arcanum cœli, grandeque pignus erat;
 Hinc Tibi Regales, ut reddat Cynthia plausus;
 Cum rutilo cœli Sidere, missa venit;
 His radius, hæc luce Tibi data Sceptra precatur:
 Debit haud aliter, cœlica lingua loqui.

SEPTIZONII TRIVMPHALIS,

ex rediuiua Piaſtei Sceptri felicitate,
 Columnarum in baſi,

SERIES PRIMÆ.

Nouum ad imaginē vetuſtiſſimi ſeculi opus,
 novus Poloniae genius, affectu pro ingenio formās;

omnia retrò ſecula, ad ſimiles Heroicos auſus,

non prouocat tantum, ſed vrget.

Aſſurgit quidem, exemplorum priſci æui ſenio;

ita tamen;

vt ſibi quoque, maior è longinquò reuerentia, aliquando aſſurgat;

cum inuſitata priſci moris veſtigia, iterum fecerit non noua.

Ad ſtuporem hunc, exempli rariffimi,

cum humana omnia ſileant, ſiſtantque;

ſola publicæ latitiæ, irrequieta vis eſt;

cui inimmenſis conatibus ſuis, communi veniâ, vel ideò facilè parcitur;

quod rem omnium agat.

Nempè & hæc quoque voluptas eſt;

ſinere laborem publicum, ea moliri pro omnibus;

quorum onera, dum gaudio feruet, non ſentit.

Ad auguſtam certè molem,

delicio Principum, Principi ſuo erigendam;

tot habet Polonia manus;

quot corda ad eligendum contulit;

certatura facilè cum omni æuo;

poſtquam difficillimum, à tot ſeculis, prodigioſi calculi,

certamen abſoluit.

Quidni verò, Septizonium illi triumphale cogitet?

in quo, dum ex felicitatis ſuæ perfectò numero triumphat;

poſt ſeptem à ſuſcepra Chriſtiana fide ſecula,

nouam ſeculorum hebdomaden ingreſſa;

redit iterum ad opus ſuum; quod antè in Piaſteo ſanguine patrarat.

Numerum hunc perfectò,

A 2

ex im-

ex impari parique perfectum coaluisse oportuit;
vt imparibus Polonia votis, in parem subito consensum desinens;
vnum, quod ad perfectam felicitatem suam restabat,
diuinitus componeret.

Clauditur hoc numero vniuersum;

in quo Poloniae sufficit;
Septimam admirandae Electionis hebdomaden, sic complēsse;
vt nihil vnquam perfectius,

vno simul, vniuersa in campo egerit.

Sub hac structuræ arcana serie,
elaboratam diuino septenario molem,

altius à terra tollimus;

vt coelotenus porrecta, argumento sit;

Principem cui surgit, è coelo venisse.

Celsitudini tantæ basis solidissima;

rediuiua **PIASTEI** Sceptri felicitas;

in qua, fundamentorum liberi Regni, profundissimus iam olim iactus;
nunc etiam tanto altius descendit;

quantò liberæ vocis suffragia confirmauit validius.

Hoc demum in **PIASTVM** suum consensu,

Atlantes Poloni, lacertorum suorum sensere vim;

non aliàs machinâ hâc nutante periculosius;

cui tot simul brachia supponi oportuit.

Sed vnum hoc experimentum, cæteris illustrius;

probauit Athletas libertatis, fecitque;

dùm in orbis theatrum deductos; diu certare voluit;

vt vincerent in puncto;

cùmque iam lassos credidisses, fortius pedem fixere;

non perituro ad omnem posteritatem vestigio;

ceu illud, non humano nisu, in petra cauassent.

Super hac basi, rupeque,

Primas Septizonij triumphalis columnas ponimus;

quarum in capite **PIASTVS**;

rude marmor; vileque, orbis tamen pretia vincens;

informi Crusiciæ metallo, nomina fecit.

Nutritor hic Poloniae, gestatorque futurus;

expansos ad beneficentiam sinus, primum exercuit;

vt patriam nutrirer, gestaretque delicatius.

Induruere illi manus ab opere, à tiliæ cortice pedes;

pectus tamen à medulla bonitatis liquefens;

& ab

& ab obsequio hospitalitatis tractabile factum;
excepit Patriam, tam leniter; quàm si ad vbera recepisset.
Mollissima quippe animorum culcitra, hospitalitas;
ex admirando beneficentiæ in alios privilegio,

hoc habet;

vt intractabiles etiam sopiat; demulceat irritatos.

Huc & mellificij cura, non sine arcano;

ad mulsæ aquæ propinationem, eos etiam habere promerita;

quorum sitis, beatæ voluptatis torrens;

& inebriatio ab vbertate domus **DEI** est.

Felicitas inde **Piaſtea**, securitas publica;

fauus vbique, aculeus nuspiam;

in **Zemovito** Filio **Clementia**;

in **Lesco** Nepote **Pax**;

in **Zemomisso** **Pronepote**, nouæ lucis diluculum;

tota in **Miecyslao** **Abnepote** lux:

qui vt inter **Septizonij** triumphalis columnas,

staret illustrior;

septenni luce carere debuit.

Vmbra hæc, magni deinceps boni **Cortina**,

PIASTÆ felicitatis grande secretum,

non ante **Solem** **Christianæ** fidei reuelauit;

quàm in solio Princeps consedisset;

qui diu absque Patris solatio, vt prodigiosus Pater fieret,

ex vxoris **Dambrovæ** fide, maritus genitus est;

antequàm Reges & Regnum, **CHRISTO** genuisset.

Pro Regno **Euangelij**, medios euaginari enses statuens;

Boleslaum **Chrobri** Filium,

Regem, & **Sarmaticum** **Herculem**, habere meruit;

qui à columnis, quas posuit victor,

ad coronam vsq; regiam, ab **OTTHONE** Tertio Imperatore oblatam,

cùm primus decurrit;

diadema **Polonum**, **PIASTÆ** felicitatis posuit in censu.

Coronata iam hinc, in septizonio nostro columnæ;

in **CASIMIRO** I. etiam diuinæ sunt;

quem sacris initiatum,

Religiosa **Cluniaci** Corona, vel ideò cinxit;

vt Regem sacrum faceret.

Summam in eo, innocentis animi pacem,

ex Rixa Matre potuisse nasci, stupor!

B

Maior

Maior tamen; ex sacro Principe, cum sacris rixatam,
Boleslai Filij audaciam prodijſſe.
Coronam hic & mentem,
poſt victorias, in ſacri Præſulis victimam furens,
cū audax nimium amiſſet;
mentem Polonia ſuam, in Vladislai Hermanni, optima mente;
coronas & triumphos,

in Boleslao Kriuouſto, immortales recepit.
Martem ille ab ipſo nouennio ſecutus;
ſpatium victoriarum, maturius exorſus eſt;
vt quadragies ſepties victor triumpharet;
cui ſi vel ipſum Martem comparaueris, tyronem inuenies.

Nimirum,
inter PIASTIDAS iſte prodigium, fulmenque bellicum;
vt comminueret plurima, obſtantia multa inuenit;
ceu gloriæ ipſius ſeruire vellent;
dū virtutem laceſſunt;
ad Caninos vſque campos experta, vincere eum pariter, & viuere natum;
etiā poſt fata, terrore perpetuo fulminare.

Auguſta quoque in Boleslao Criſpo,
contra Conradum, & Fridericum Auguſtos, virtus;
in Caſimiro Iuſto veneranda,
in Boleslai Pudici, pudiciſſimo thoro,
triumphos innocentia duxit.

Tulit in Leſco quoque Nigro, *de comedente cibum,*
& egreſſam de forti dulcedinem;
dum ex Leone Ruſſo, Lithuanaque retulit ſpolia;
pro Coronis Regalibus, triumphales multiplicans;
donec in Premiſlao & Vladislao Loctico,

Regios iterum honores adimpleret.
Modica hæc, ingentis animi ſedes;
admirandum pugnaciſſimi ſpiritus compendium;
auguſta immenſarum cogitationum, anguſtia ſimul & capacitas;
cū iuſtam non compleret menſuram;
orbem impleuit, Maiores exceſſit, Magnos genuit;
Putaffes in eo Piaſteam indolem,
in proximo iam magnæ propaginis exitu,
epitomen ſibi feciſſe;
vt tota ſimul, in hac Synopſi ſpectaretur:
quæ in CASIMIRO Magno, dum ſe latiùs explicat;

foecun-

foecunda triumphis, aucta prouincijs, munita Urbibus;
ſolo Regiæ prolis, munimento ſterilis;
rediit à Ludouico quoque Hungaro, maſculæ coronæ indiga,
vt in Heduigi Piaſtea,
Vltimam cœlo coronam inferret;
ſterilitate proſectò ſanctiſſima;
quæ Lithuaniam CHRISTO, IAGELLONES & KORYBETHOS
Chriſtianæ coronæ genuit:

vt in Te,
SERENISSIME MICHAEL,
omnia demum claudens;

eum Te Regem coronet; qui Patriæ PARENS ſis,

^{435 1267}
ſat Pius,

quia

P I A S T V S.

S E P T I Z O N I I
T R I V M P H A L I S,
ex antiquiſſima Magnorū Lithuaniae Ducum origine,

S E R I E S A L T E R A.

Nescio quid in ſe arcani habet,
molimen hoc;

deſtinati magno Cœlorum arcano Principis,
auguſtis honoribus ſurgens;
cui auguſta omnia ad Maieſtatem;
etiā cū è longinquo petuntur, ipſa naſcuntur ſub manu.
Non fatigat hic laborantes vetuſtas;
quæ cum delubra ſua obumbrat, ſemideos facit;
non habitura reuerentiam;
niſi in cœlum fugiens, Deorum connubijs,
irreuerentiùs ſe miſceat:
ceu puderet humanæ originis, quos non pudet incertæ.

Auguſta hæc,
Celliſſimi, quem cultu publico proſequimur, Sanguinis;

B 2

fontes-

fontesque suos non dissimulans;
tota se offert; scrutatoresque suos absoluit;
nè quod in enigmate obscure capiunt;
enigmate obscurius soluant.

Nimirum,
ex cultissima orbis parte, vel ideò venit:
vt non quærat inculta; sed spontè prodeat humanissima;
quæ barbaram domi Tyrannidem exosa;
eas sedes quæsiit;
in quibus barbariem, ad elegantiam, & delicias vsque excoleret.
Diuina profectò Argo illa;
quæ orbem terrarum circumuecta, eos Lithuania Argonautas intulit,
qui in hanc Colchidem delati;
Velleris Aurei Gazas fundauere:
vt constaret,
tot Regum olim patriam, nidumque;
quorum hoc Velleris Aurei, augustum insigne est;
non frustrà, tam felices Argonautas,
post errores sanè quàm felicissimos, recepisse.
Nauigatio hæc, solam in lucro vitam ponens,
omnium lucrosissima facta;
Pergaina sua dum fugit, imperia condidit;
hoc agente admirando rerum ordine;
vt cum Palæmoni in Italia cum Heroibus suis,
humanitas inter Tyrannos deest;
magisterium humanitatis, Lithuania per eum non deesset,
sed cum Palæmonem stupeo;
venientia cum eo, in Septemtrionem,
an verò ad Septizonium nostrum?
magna Columnarum nomina, cur non mirer?
Et hæc quippe sanguinis istius felicitas est;
cui vt moles augusta, magnificentius assurgat;
spontè ad eam, per tot maria, sinusque,
peregrini orbis Columnas, nauigare oportuit.
Adeste iam felices,
magnisque olim muneribus pares; quin & immortales columnæ;
& quorum Heroica nomina, vocalis Argo posteris non siluit,
VRSINI, IVLIANI, CAESARIANI, GASTOLDI.
nempè & hic Latium est, quod circumfertis;
Lauinaque littora vobis, cordolium non sit mutasse;
nam & hic coronæ vos fascesque sequentur;
ad imperium vbiq; natos.

Habe-

Habebit nobiles in CYNOSO Ducalis purpura cunas;
in ZIVIVNDO, jugum tributi Russici erubescet;
vt excutiat in ERDZIWILO & triumphet.

Non longè absunt,
in SKIRMVNTO, ex Zavolhensibus Scythis triumphales,
in RINGVLTO Ciuicæ,
Regiæ in MENDOLPHO Coronæ,
felices aliàs, quia sacra;
nisi seruata olim dignioribus;
ex infelici capite, dum in CHRISTI fide nutat caditque, cecidissent.
Proteus quippe hic, vindicem STROYNATIS gladium, non fefellit;
vt disceret,
religionem, non mollem ceram, nec laruam esse;
quam fingere, aut refingere, ponere vel sumere;
tam facilè, & ridiculum sit;
quàm Æsculapio barbam tollere.
Constantior post Vtenum, Trahumque, NARIMVNTI spiritus,
qui inter Lithuania Principes,
equitis cataphracti, primus insignia sumens;
infractum vbiq; pectus, & grauiori armatura solidum;
semperq; aliquid magnum, tanto cursu persequens;
etiam in TROIDENO Filio, Heroico Principe ostendit.
Instabat nimirum,
magnus in VITENE, ex Centaurorum familia, sanguis;
sub quo cursus ille, in Pogonia paratus,
nouas Lithuania Olympiadas expectabat.
Nec diu illæ morata, in GEDIMINO, celsissimi animi Principe
Magno Iagellonis Koributique Auo,
immensum gloriæ spatium inuenere.
Diu plerumque laborant sæcula, vt magna exempla pariant;
nec pudet longius grauida, expectationem orbis differre;
dum Augustos, magnosque Macedonas ferunt.
Ingens enim, multorum sæculorum compensatio summum aliquid;
quo se maximo exempli publici debito,
virtus subinde, & rara felicitas absoluit;
vt multa interim sæcula occupet.
Exolutum id, in GEDIMINO posterisq; suis, tanto publici boni prouentu;
vt suffecerit, ad magnam Heroùm fecunditatem Lithuania;
etiamsi aliàs non paritura;
vel in hoc solo, magnarum mentium in GEDIMINO partu,
per omnem vetustatem laborasse.

C

Par equi-

Par equidem magnis tot ætatum sudoribus labor hic;
quem Lithuania, dum non capit; totus Septērio grandi cōplexu ambiret;
Exporrectum inde ad summa omnia *Gediminus* animum,

quàm gesserit;
porrecti vltra *Volhyniam, Kiouiamque*, principatūs
non termini, sed gradus arguunt;
quos nefas fuerat, coronatis ex *OLGERDO* Nepotibus,
impares Maiestati relinquere;
nē Augustos illa parere cogeretur in angusto.

Nec mirum,
Prouincias eum bello quæsisse;
qui ne in venatione quidem, à propagando imperio cessans;
vbi feras insequitur;
humanitatis receptacula, vrbes cœpit & condidit.

Felix venatio,
quæ binam Principum sedem iuuenit;
ferreoq; somnio, p̄ condenda Principe Lithuania vrbe vigilauit,
an quia bellatorum,
non vigiliæ tantum; sed somnia quoque Heroica sunt;
quæ in sopitis etiam herculeos actus moliuntur.

A tanto Principe, Vilna vt surgeret;
Majestatis interfuit;
quæ in proximo, Christianam religionem & coronam ferens,
in ea vrbe recipi debuit; quæ ad prærogatiuam huiusmodi surrexerat.

Ab hoc immortali opere *GEDIMINVS*
immemis ardoribus, succentum ad maiora spiritum,
dum sagitta ignea, à Cruciferis ictus occumbit;
in *OLGERDVM* Filium transfudit.

Principem sanè, Mavortijs caloribus, tam ardentem;
quàm eum magnæ ex cælis Cruciferis victimæ,
ad paternæ mortis vindicias succensæ;

quam *Demetrius Moschouæ Dux*,
Victorem ante prælia, Iovem ante fulmina sensere;

Didicit tum *Moschua*,
generosos animos; non prouocari frustra;
quorum stimuli interius calentes, alimento gloriæ, tam facile corripuntur;
quàm si oleum Vulcano affuderis:
nempe ante fomitem ignis extinctum; quem *OLGERDVS* Mosco miserat;
et ipse Martius fomes ardorque, tumentem fumare Moscuam fecit;
quæ se mirata, momento sub hasta venisse;
dum ille victricem, vt promiserat,
arci hastam infigit;

hasti-

hastiludium fortunæ non ampliùs tentauit;
ita *OLGERDVS*, ex fomite ignis inextincto;
æternam gloriæ Pharum succendens,
Asbestinas in eo duodecim filiorum lampadas;
an verò igneas, Septizonij nostri columnas, reliquit;
totà omnium luce

in *IAGELLONES & KORYBTOS*,
ex intervallo sæculorum, sic demum transfusa;
vt cum Iagellonica scintilla deficit;
inextinctus germani sanguinis splendor,
nouam Regnatricis Domus incipiat lucem;

in qua,

vel ex ipso nomine dilectus patriæ

S E R E N I S S I M V S
MICHAEL KORYBVTH

^{4 2 3 5 1 9 10 7 13 8 6 12 11 14.}
HIC AMOR LVCEBIT.

S E P T I Z O N I I
T R I V M P H A L I S,

ex auita Korybuthei sanguinis gloria,

S E R I E S T E R T I A.

Peregrinam operum publicorum magnificentiam;
quæ verecunda domestica indigentia, confessio est;

procul hinc arcet,
conscia magnitudinis suæ, KORYBVTHEI sanguinis Maiestas.
Non moramur hic,

si alicubi orbis, in plures lapidum maculas, laboret;
si alicubi maria sub Chio, Rhodioque pondere gemant;
ex hoc pretioso terrarum abortu, augustas moles erigere;
mutoque saxorum præconio, Heroum gloriam loqui;
Modicus perpetui honoris census est.

Illud augustum & Regium;
magnis attollere Septizonia nominibus,
intignire exemplis; coronare triumphis.

Hic nobis ex KORYBVTHEO sanguine, apparatus maximus;

C 2

hæc do-

hæc domestica Ægyptus, Lybia cum Perfide, Indisque;
& si quid exotico nomine famosius.

Sufficit pro his omnibus,

GEDIMINO AVO, OLGERDO PATRE,

IAGELLONE GERMANO,

Vitoldo Patruale, Alexandra sorore,

inclytus **KORYBVTH.**

Ex his nominibus nullum est, quod orbis theatrum,
& consanguineas Europæ coronas, non impleat;
cùm impleuerit,

GEDIMINVS Russiam, **OLGERDVS** Moschuam,

VITOLDVS Tartariam trophæis;

Iagello Poloniam, Hungariam, Bohemiam, Regibus;

Alexandra Austriam, Hispaniam, Imperium,

Principum, Regum, Cæsarum, coronis.

Theatrum hoc sanè augustissimum;

in quo,

ALEXANDRA,

Iagellonis & Korybuthi Soror,

Zemovito Mazoviæ Duci nupta,

ex **CYMBARCÆ,**

cum **ERNESTO** Archiduce Austriæ,

felici thalamo,

Fridericum, Maximilianos duos, Carolum

Quintum, Rudolphum, Matthiam, Fer-

dinardos Quatuor, Leopoldum,

Romanorum Imperatores semper augustos;

Philippos Quatuor Hispaniæ Reges;

inter domestica, Korybuthei sanguinis decora censet.

Hoc ad Majestatem Korybutheam, si non summum;

quod in orbe Europeo celsissimum;

Divorum certè consanguineus splendor,

gentilitios, etiam in ambitiosissimis, ardores sistens,

Herculeum hîc, non plus ultra inscribit.

D. CASIMIRVS LITHVANIÆ PRINCEPS;

communis Iagellonum, & **KORYBVTHORVM** sanguis,

commune quoque delictum;

augu-

augustæ vtriusque Domûs fastigium, eò intulit;

quò humana fastigia assurgunt nulla.

Ebur hoc puritatis, & innocentiae victima,

gaudet utique;

SERENISSIMVM MICHAELEM,

eum dilectis gentibus Regem,

eum Iagellonica gloriæ successorem, cœlitus datum;

cuius innocentia vitæ,

consanguineos cœlorum nexus, non reformidet:

sanguinem, & animum Principe dignum, ita circumferens;

ut ad Divorum genus, non frustra pertineat.

Certè non alium, divina propè electio illa,

invenisse cœlitus debuit;

quàm eum, cui diploma cœleste, tot consanguinea,

Divorum manus subscripserunt.

Privilegium hoc ex rarissimis, omnia retrò secula & merita KORYBVTHORVM,

in eo capite coronat;

in quo, ipsi etiam decora, & delicias suas,

Superi coronârunt.

Huc etiam immortalium Heroum,

Bellator ille spiritus,

ad Regalem **KORYBVTHEAM** purpuram, cùm respicit;

non erubescit, suo aliquando,

Moschicos, Tauricanos, Moldavicos, Otthomannicos enses,

pro DEO & Patria, fuso sanguine rubuisse;

ex quibus

DEMETRIVS KORYBVTH,

devota Marti, contra Tamerlanis copias, victima;

quod non profundius, in viscera sua egerit;

barbarum acinacem incusat;

ut tantò uberius profuere, generosissimus sanguis ille;

quem in Sarmaticam purpuram, desisse aliquando oportuerat.

Nec **SIGISMUNDVM** quoque **KORYBVTH,**

pro corona olim Bohemica, deludasse, iam poenitet;

cum ne tertium quidem seculum, ab eius ætatis iudicio recesserit;

quod **KORYBVTHOS** Regali semper coronæ pares;

nunc etiam Reges eligi, & inaugurari convincit;

D

ceu di-

ceu diluculum illud, ejus Majestatis tūm fuerit;
quæ nunc se, in clarissimam diem explicans;
vt longissima fieret; remotius oriri voluit.

Nec diuisit eam,

post THEODORVM & DANIELEM,
BASILIVS KORYBVTH;

quanquam
in Visniouiecios, Zbarascios, Porecciosque Duces,
derivatam;

cūm vbique decorum sanguinis, in fonte suo seruatum;
collecta semper luce, id egerit;
vt aliquando totum in vno; qui solus omnium compendia,
in solio ferret, spectaretur.

Ex oraculo rem agi dixisses;

ita nihil non eminentissimum semper, in KORYBVTHIS,
& ex Regia indole factum;

inter summos vbique popularium suorum amores;

Majestatis, qua in arcano tenebatur, genium non amisit.

In pulvere Mavortio perpetui,
turmisque militaribus, nunquam non immisti;
ijdem tamen semper, os humerosque Dijs similes;
semperque Agamemnona spirantes;
Magnique etiam in Ephæstione Alexandri.

Fatale id classicum hostibus patriæ,

plagamque insanabilem ferens;

quoties Ducum in Visnioviec KORYBVTHORVM,
gradiuus pater nomina recenset;

qualia

in **CONSTANTINO, MICHAELE,
ALEXANDO,**

Ducibus Visniowiecijs,

Propontidi, & Tauricæ inimica,

nudum sæpius ab ea parte, indefensumque patriæ latus,
barbaro mucrone peti;

vel ipso, cūm nominantur, terrore prohibuerunt.

His moenibus, Sparta nostra cingitur;

arietan-

arietantibus perpetuò Getis, Thracibusque:

sed contra Abeneos pectorum oppositus, non prævalentibus.

stridore Orientis, fremituque tanto;

vt si Minotauro illi, Sarmatiæ victimas extorquere liceret;
has primum Lacænas;

quæ Visnioviecios Heroas pariunt,
immani peteret rictu.

nobilem quippe offam, quam cūm sæpius appetisset;
ferreum in ea bolum rodere coactus, edentulus abiit.

Africa quidē, Scythica, Bizantina, Cosacica,

semper aliquid, ab ea parte noui;

sed Scipiones VISNIOVIECII præstò;

sed contra Hydræ illius capita, in excubijs Patriæ,
Hercules perpetui.

Magnis olim, ANDRÆ Duci in Visnioviec, Palatino Volhyniæ,

MICHAELI & GEORGIO, Castellanis Kijoviensibus,

CONSTANTINO Palatino Russiæ,

IANVSSIO Supremo Stabuli Regni Præfecto;

ætate quoque nostra proximi,

DEMETRIVS, & CONSTANTINVS,

Duces Visnioviecii,

cellisima KORYBVTHEI sanguinis, & Martis Sarmatici nomina;
id omnium exigentibus meritis;

vt à coronis Visniovieciorum triumphalibus;

ad bellicosæ gentis coronas, ex Mavortia stirpe prodires

P R I N C E P S;

cūm inter classica bellorum, paternaque trophæa nato;
contra hostes Patriæ, ab vberibus semper fuerit,

S E R E N I S S I M E

MICHAEL KORYBVTH,

TIBI M V C R O L A C.

SEPTI-

SEPTIZONII TRIVMPHALIS,

ex immortalibustrophæis, ab incomparabili Herodæ,

HIEREMIA KORYBVTH, Duce Visnioviecio,
Magno SERENISSIMI REGIS PARENTE,
gloriosè erectis.

SERIES QVARTA.

Curam hîc nostram, excipit vniuersa,
quæ manus in augusto opere, consecrare nititur,

POLONIA;

vt vnâ in Septizonium triumphale tollat;
sed quæ pro mille alijs sufficit,
Columnam.

Centimanos proinde non inuoco;
quando comportantium, tot iam in opere manus;
à Ponto Euxino, Balticisque littoribus; à Tanai, & Volga;
quod ne in sua quidem Epheso, Asia vidit.

Amoris quippe publici nomen hoc, exciuit Sarmatiam omnem;

vt Atlantis sui delictum, non onus;
tota exultantibus brachijs subeat;

cui securè olim incumbens, non procubuit.

HIEREMIAS is Dux Visnioviecius,

Terrarum Rusiæ Palatinus,

Heroum ætatis nostræ apex, an verò Phoenix est?

fatis jam ad Majestatem, vniuersæ gloriæ dictum;

cùm exhauferit omnis aui exempla, Heroumq; nomina,

qui HIEREMIAM Visnioviecium dixit:

adeò nihil in omni saculo Mauortium; quod hîc non ad amussim vsq;

Heroicum.

Excedit fidem, auget prodigia,

stuporem omnem vincit;

anius ille tam ingens, tam vastus;

ceu Martem ipsum, exarmare paratus;

pericula vbique hauriens, pericula tam sitiret;

quàm Oceanus fluminum, quibus non crescit vndas.

Prin-

Princeps in eo vbique,

sanguis, indoles, spiritus;

etiam inter Palladias, à teneris, domi, forisque artes;

totus in ægide, totus in hasta;

vt iam Achillem nosset;

quem non armatum tenere diutius;

exquisitiùs torquere fuit.

Adurgebat eum mille stimulis,

maacula ante ætatem virtus;

ipsa demùm tormento futura maximo;

nisi armorum sitientissimæ indoli compatiens;

in effulis latè ad Smolenscum Moscuæ viribus;

ingens ei theatrum gloriæ obiecisset.

Non hominem tùm, sed mentem ipsam credidisset;

quando lectissimâ quindecim prope millium manu collectâ;

ad Martem suum, VLADISLAVM IV. conuolans,

grandi obsidio confisum;

gravius hostem ipse, ab interioribus Moscuæ, momentò obsedit.

lctu propè trifulci fulminis,

SEHINVS, & PROZOROVVS concidisse visi;

cùm ab ea parte detonans VISNIOVIECIVS,

omnia sterneret;

primus in acie, infractus periculis,

perpetuus in palmis.

Ad triumphos VLADISLAI, ingens in eo momentum;

à quo, igne triumphali, tota propè Moscuæ succensa;

probra sua spectare maluit, quàm busta;

Concessitque victoriosissimo VLADISLAO trophæa;

vt VISNIOVIECIO tanti Regis præconium, non differret.

Sed brevis hæc,

ingenti animo, ad gloriam lucta;

qui ad fortunam VLADISLAI, filuisse omnia,

in Aquilone cùm cernit;

ad grauidum periculis, Abazi Bassæ Orientem, contendens;

nec dùm excusso puluere Moschico,

ad olympia Thraciæ venit.

Grandis bellator Abazi, mensuram tùm suam,

ex pollice VISNIOVIECIANO, discere coactus;

erubuit triarius tyrocinia sua;

quæ vetus bellorum, Bizantijs luit;

E

quod

quod in portu triumphorum Asiae navigans;
ad Moldavica littora alliserit.

Scopulus hic,

HIEREMIAE Visnioviecijs,

inevitabilis armorum felicitas;

ad quam Cosacica quoque in Starzec,

obstinata rebellio; cum impigisset;

infelicem baltheum misere soluit.

Ianum interim, Vladislaus victor, paci Sarmaticae;

sed non fortitudini Visnioviecianae clausit;

cuius aetas, ut victorijs potius constaret, quam annis;

januam ei bellorum,

perpetuo ad novos patere triumphos oportuit.

Commodum ad id,

ex Omer Aga Scytharum Ductore classicum;

qui cum in Russiam, barbaro more irrumpens;

opimaq; Iovi Tauricano spolia ferens,

propè jam excederet;

VISNIOVIECIUM repentinâ manu irruentem;

denis suorum millibus amissis, prædâque omni ereptâ;

etiam aliud agentem, triumphos agere;

agrè ad Maoticam paludem suam, triste coaxans respexit.

Redijt tamen iterum ad Ochmatow;

ut turpem in bello Solæcisimum, bis in eo delinquens, cõmitteret;

funestam proinde plagam meritis;

geminatâ clade, VISNIOVIECI, & aliorum Heroûm,

victoriam geminavit.

eo demum Scythiae suae contemptu;

ut Oczakovia, laribusque Tartaricis;

VISNIOVIECIUS propior sapius, quam olim Annibal Romae;

ex immisis, in delubra Scythica sagittis;

arcus sibi triumphales, in Taurica crexerit.

Sitis hæc immensa bellandi

quæ ne in hostico quidem restingui potuit;

hosticum domi, post fatalem Corfuni cladem, inueniens;

omnem illam armorum servilium inundationem;

si non exhaust, sola certè diu sustinuit.

Spartanum Visnioviecijs pectus,

in adversis Patriae, nunquam aversum;

diu ad Thermopylas illas, tribus nonnisi millibus suorum,

insolescentem victoriâ, barbarum, servilemque furorem,

ne in viscera Poloniae sæuaret, distinuit;

etiam tragicos monstri Pilaueensis, non permissurum errores;

nisi clauam Herculi,

aestus ille, turboque publicus abripuisset.

Insolitum id Visnioviecio, morteque ipsâ atrocius;

in obsidio Zbarazensi, mille eum mortes quærere;

atque ut Martis Poloni tolleret ruborem,

ducentis propè Scytharum, Cosacorumque millibus;

pro gloria gentis, & salute publica, in victimam obijci fecit.

Arctissimus hic, ingentis Visnioviecianae fortitudinis circus,

implevit seculorum omnium gloriam, restituit exempla, exhaust pericula;

ipsas etiam obsidionales coronavit, vicitque coronas;

quando cum duodenis millibus,

ab innumera multitudine obsessus; non horis, sed momentis;

consilio, manu, virtute, stratagemate pugnauit;

vbique liber, & inuictus.

Castra, vallum, fossæ, vineæ, defensionis nomina tantum;

omnia hæc in VISNIOVIECIO secura, defensivaque;

in cuius antemurali pectoris, illud perpetuum;

aut profligabo, aut moriar.

Stuporem hunc ætatum omnium, sola immortalitas capiet;

medijs in mortibus, ita vixisse, ita vicisse;

ceu obsessos, in viscera sua tandem recepturus;

quò gravius premeretur, maiora quotidie amoris publici viscera, dilataret.

Ab hoc Pelicano vita, salusque;

qui cum, in usus difficillime obsidionis, distraxisset omnia;

Cor etiam ipsum, bono publico, discernere paratus;

unum illud doluit; quod in laudatissimo opere,

inter hostium admirationem & elogia, cum Epaminonda dicere non potuerit;

satis vixi, cum inuictus moriar.

Servatum hoc ei,

ad Marathonios, Bereftecensis victoriæ campos;

ubi fufis iterum, amplius quam centum millibus hostium, fugatisq;

inuictum inter coronas triumphales spiritum,

Pauolociae claudens;

eas doloris publici cataractas referavit;

quas nulla unquam solatia obserarunt.

Vixit bellator, obiit victor;
Pius, invictus, felix,
bello, pace, virtute, fortunâ, summus,
incomparabilis, verèque Augustus PRINCEPS;
dignus omnino,
ut Patriæ, Regique Poloniæ PARENS,
pro corona Regni;
quam,
Sanguine, Virtute, Prælijs, Victorijs,
attigit, meruit, defendit; ornauit,
in SERENISSIMO FILIO
viueret
CORONATUS.

SEPTIZONII TRIVMPHALIS,

ex gentilitijs Zamoscianæ Domûs splendoribus,

SERIES QUINTA.

Æmula iterum, magni sanguinis celsitudo,

spontè ad summum operis assurgens;

non fatigat, magnitudine suâ minores conatus, sed tollit.

Immortales profectò,

maximis Heroum stirpibus, gratiæ agendæ sunt;

quod triumphalis apparatus negotia, sumptusque publicos,

facile expediant;

cùm ab omni ævo, in magnificentiam suam laborauerint.

Hoc facer ille,

KORYBVTHEI, ZAMOSCIANIq; sanguinis nexus,

sic adimplet;

ut ortam ex utroq; amplitudinem, diminutum omnino eas;

si aliquid ei, de ingenio adjeceris.

Statue illam Orbi, ut in se claruit;

& jam egisti omnia.

Spirabunt hæc nomina, arcanum illud gloriæ;

cuius intelligentia, iuprà communem genium.

Zamo-

Zamosciani ergò Sanguinis decus,
quale Principes, quale Regum consanguineos, natalesq; decet;
ex vetustissimis in Sarmatia, cùm eò processerit;
ut KORYBVTHÆO, OSTROGIO, KOSTKANO,
ODROWOZIOQVE sanguini junctum;
privilegia Majestatis, non aliundè poscat;
sed inter domesticas prærogatiuas censeat;
Regalis SEPTIZONII, portio sanè augusta est.
Par illi cum LECHO, ex Kozlarogijs,
ad FLORIANVM vsque SARIVM, deducta vetustas;
in cuius visceribus hostis, Sarmaticam virtutem scrutatus;
eres cùm infixisset hastas, animi magnitudinem non confixit.

Heroico spiritu, per tot ostia,

vel ideò prodigiosius non egresso;

ut Regi, & orbi constaret;

quantum deinceps animi, in Zamosciorum pectora transfudisset.

Decebat profectò, ex tantis visceribus,

stirpem eam nasci; quæ Summos Viros pareret;

partu sanè admirabili;

qui cùm rupisset viscera, vitam non abruptit;

ceu immortales in FLORIANO SARIO Heroas,

seculum illud posteris gigneret.

Et suffecerat quidem, vel pro solo,

IOANNE ZAMOSCIO,

Magno Regni Cancellario, & Supremo Exercituum Praefecto;

tàm effusa pro bono publico, viscera fatigari;

in quo Zamosciorum omnem gloriam, uno mascula virtus partu,

sic genuit;

quasi foecunditatem iam omnem exhaustisset.

De animo Summi huius Viri,

Palladis & Martis certamen perpetuum,

& simul vtriusque in eo perpetua consensio;

Numam, Camillum, Scipiones, Catonem,

diuersa virtutum exempla, in vnam hic ideam ducta;

eo loco POLONIA habuit;

quo virtutem ipsam, se humanos vultus induisset.

Fulmen idem belli, & Oraculum pacis;

idem Achilles, & Nestor; aurea Herculis catena, & claua;

cum summa gloria, supra invidiam;

F

in illa

in illa semper assurgens, huic perpetuo formidandus.

Martem eius victoriosissimum,
triumphata Molchouia, Livonia recuperata,
repressa cum CAROLO Sudermano Suecia,
Scythæ, Moldavi, Turcæ, cæsi sæpius, fugatique;
immortalibus trophæis, si non loquuntur, stupent.

Sapientiam, auctoritatem, suadam,
summi iudicii vim, integritatem & celsitudinem animi.
SIGISMYNDVS AVGVSTVS, HENRICVS VALESIVS,
STEPHANVS BATHOREVS, SIGISMYNDVS TERTIVS,
Serenissimi Poloniae Reges,

ornamentis suis, quibus in eo ornando certarunt,
prædicant sanè ornatissimè.

STEPHANVS certè BATHOREVS,
animum eius verè Regium, cum satis ornare non posset;

GRISELDE BATHOREA,
CHRISTOPHORI BATHOREI, Palatini Transylvaniæ,
Fratris sui Filiâ, in Matrimonium ei collocatâ;
tanti sanguinis dignatione,
thalamum eius Regium fecit.

Servavit tam augusto vinculo, Majestatem suam,
dignus tanto Parente Filius,

THOMAS ZAMOYSKI, Cancellarius Regni;
præter rerum gestarum gloriam, meritorum amplitudinem,
honorum eminentiam, tædis quoque nuptialibus,
nova, Regiæ stirpis vincula adaugens.

Accessere illi,

ex CATHARINA OSTROGIA, Consorte lectissima,
ALEXANDRI Ducis in Ostrog, Palatini Volhynia FILIA,
CONSTANTINORVM, THEODORI, IANVSII, BASILII,

Romani, Ducum in Ostrog;

DANIELIS Regis Haliciæ,

LEONIS, IAROSLAI, VLODIMIRI, Russiæ Ducum;

ANNÆ, BASILII, & CONSTANTINI,
Orientalium Imperatorum Sororis,

VLODIMIRI Ducis Russiæ Consortis;

MARLAE, CASIMIRO I, Regi Poloniae nuptæ,
Iaroslai Ducis Filiæ,

amula.

amula maximis natalibus, augustissimi sanguinis decora;
conspirantibus ad id,

tot coronatorum Caputum, Regijs splendoribus;
ut ex maximo tanti sanguinis apparatu;
cunas hic Regias apparari,

nasci in summa luce, nova Regnatricis Domus lumina appareret.

Atque hoc vtinam,

proximus ille, limpidissimæ huius lucis ocellus,
IOANNES ZAMOYSKI Palatinus Sendomiriensis,
in Orbis Christiani facie reuelatum,
vidisset!

Nunc enimverò,

ex orbis Europæi, delatis sibi vbique honoribus,

ex Moschicis & Sueticis,

ingenti animo & sumptu, partis victorijs;

ex amoris publici, & meritorum in Patriam conscientia,

Heroico animo, voluptatem justè paratam,

suo tandem gustasset in fonte.

Quod in Te,

incomparabilis Heroïna,

Illustrissima, & Excellentissima Princeps,
GRISELDIS CONSTANTIA,

IN ZAMOSCIE

DVCISSA VISNIOVIECIA,

Serenissimi Regis Nostri PAREN S felicissima,

tantò vberioribus solatijs transfusum est;

quod KORYBTHEÆ, & Zamosciæ felicitati superstes;

tot animorum, quæ fuissent gaudia, vno in corde sistas.

Sed illud

ex merito suo, tot gaudijs delibutum,

ad exhauriendum publicæ lætitiæ fontem, superesse debuit;

quod inter heroicæ constantiæ exempla,

primum semper, & inuidum, ac omnino tale fuerat;

quale,

HEEREMIAE Ducis Visnioviecii,

supra titulos omnes, Principis & Bellatoris fortissimi;

Consortem, animi celsitudine non disparem;

quinimò ipsam Constantiam decuit.

F 2

Hoc ni-

Hoc nimirum agebat,
diuturna illa, publici mali inclementia,
eminentissimo à Te, ipsisq, etiam Heroibus imitando,
magnæ mentis oppositu excepta;
vt supra omnes Camillas, verè invicta,
verè Augusta MATER;
bellicosissimæ genti Regem, non pareres tantum;
sed ex Te quoque, ad augusta omnia formares.
Heroïna nempè,
ex consanguinea Odrowaziorum, Kostkarumq, sanctimonie gloria;
quæ Divos coelo, HYACINTHVM, & STANISLAVM KOSTKAM genuit;
eius pietatis;

quam in SERENISSIMO FILIO coronatam,
cœleste non amplius, dissimulare potuit arcanum;
eius sapientiæ, magnanimitatis, prudentiæ, beneficentiæ,
et admiranda cuiusdam virtutum omnium Maiestatis;
vt non aliam magis deceat, Filios

Regnorum parere

MONARCHAS.

SEPTIZONII
TRIVMPHALIS,

Verè augusta, Serenissimi REGIS,
animi decora, & elogia recensens,

SERIES SEXTA.

Tàm augusto sanguine genitus,
quantus in Te,
SERENISSIME MICHAEL REX,
& quàm ex merito Tuo, augustus sis;
vel in extrema, tantæ Maiestatis fimbria, legere;
nunc demum,
digna Septizonio triumphali magnificentia,
dignum terribissimâ orbis vniuersi pupillâ, spectaculum est.
Emblema illud, magni sanguinis Tui,
quod præmisimus;

non ideò

non ideò, in vestibulo gloriæ Tuæ stetit;
vt totos occupet, rapiatue.
Restat adhuc, superestque intrò venientibus;
ea ex Te ipso, Tibi propria Majestas;
quâ nemini cedas, cum eam nemini debeas;
citrà omnem sanguinis apparatus, regio semper animi cultus;
& titulis, ex fastigio imperantium maximis digna.

Ea nimirum sollicitudo,
Regiam indolem Tuam, semper habuit;
vt quamvis, tot Principum, Regum, Cæsarum, sanguis sis;
quamuis in patrimonium, priscae Maiorum virtutis,
jure Tuo venias;
anxius tamen, ceu nihil ante Te præcessisset;
severam Tibi legem præscripseris;
ex alieno non mereri.

Itaque,
tanquàm nunc primum, lucem illam ferre disceres;
quæ ortus Tuos, in Domo principe, planè inundauerat;
cætera omnia claritudini Maiorum relinquens:
illud vnum servasti,
accepta ex ijs magna indole,
non illustrari, sed clarere;
quod reputares, miserum admodum, esse;
obvertere hiantem cum Cynthia, indigamque lucis faciem;
si fortè, quæpiam è longinquo, mutuati lacinia splendoris affulgeat.

Mirum sanè,
quod securus de tanti sanguinis meritis;
accinxeris Te operi;
ceu ex integro causam, apud vniuersam posteritatem acturus;
ipsâ etiam Pallade,
ad primæ ætatis, sapientiæ studium, admiratione suspensâ;
quod à Te, tam accuratè exegisti;
tanquàm non alia Tibi, gloriæ Olympia superessent.
Ptolomæos, Cæsares, Alphonfos,
hoc in genere laudis assequi parum;
nisi etiam, ad palmam vsque cum ijs certare,
ad has etiam victorias, ex victoriosissimo Parente natus,
proposuisses;
cultissimo sæculo, ingenij primum,
mox imperij gloria PRINCEPS.

G

Arca-

Arcanum & illud educationis Tux;
quod Regna olim curaturus;
vt ad Regiæ Dumus curam, à teneris pertineres;
absolui primum, curis mortalibus, Magnum Parentem Tuum oportuerit;
ac si orbitas illa, vel ideo præmaturè venisset;
vt Regum pupilla citius fieres.

Ea primum,
SERENISSIMI OLIM,
CAROLI FERDINANDI,
Poloniæ & Sueciæ Principis, felicitas;
cuius innocentia vitæ, ne omnino infecunda transiret;

Regem Te Polonis educauit.
duodecim millibus talentorum Ephestioni,
Magnus parentauit Macedo.
Satis ad factum, ad amicitiae iura superfluum;
plus tamen,
ad immortales orbis Sarmatici promerendas gratias,
CAROLVS Princeps impendit;
dum impendijs in Te, post magni Parentis obitu, Principe dignis;
non tam ei parentare;
quam Parentem Tuum agere maluit.
breui deinceps,

in SERENISSIMAM olim,
LVDVICAM MARIAM,
Reginam Poloniæ,
pari felicitate translata;

vt cuius Regiam prolem, breues terrarum delicias,
maturè sibi coelum poposcerat;
Augusta in Te Matris, longiori solatio non careret.
Receptus ab ea, cœu in Ipem Regni assurgeres;
ita Regiâ omnino curâ habitus es;
identidem, cor illud Reginale, inscrutabili cogitatione pulsante;
an fortè magna aliqua fortuna, obsidem Te sibi dedisset;
vt tandem,
oculo mentis vbique perspicacissimo;
in eo tora verè lyncea fieret;
quod in animum Tuum, tam profunde descenderit;

vt arca-

vt arcanum in Te diuinum propè intelligens;
prauideret iudicio, quod magno latebat inuolutum secreto;
si Polonia **PIASTVM** Regem quæreret;
non in alio Principe, felicius inueniendum iudicans.
Oraculum id,

olim in vmbra, nunc in orbis facie;
mentes Principum, ad responsa plerumque divina moveri,
cœu voluntatis eius conscias, cuius vices in terris gerunt,
confirmauit.

Sed nec augusta illa animi Tui decora,
dissimulare poterant;
quin Te prælagâ velut Seruij Tulli corona cingerent;
erumpentibus passim earum virtutum radijs;
quæ Maiestatis propriæ sunt.

Pietas in **DEVM**,
quàm Regia, quàm augusta;
ex conscientia puritate, & Catholica religionis zelo,
lydium sui lapidem habet.
Transijt illa profectò, in substantiam Tuam;
ex perpetuo in ea alimento;
an verò consanguineis etiam, tot Diuorum in stirpe Tua,
igniculis accensa;
tàm ardens certè, & tàm animo Tuo congenita;
vt ad Orthodoxi Regis titulos, diuinitus planè electus sis;
cùm **DEI**, & religionis negotia, ante omnia elegeris.

Ex hoc fonte,
animi innocentia, moderatio, benignitas,
victoria sui perpetua, tranquillitas interior, lenibus Etesijs composita;
sudumq; illud placidissimi pectoris, citrà turbas nubesque.
omnia hæc ad Regiam clementiam directa;
quâ virtute vt excelleres, motus animi omnes composuisti.

Delicias mortalium Titos,
sæculo illi vt non inuideamus;
mira animi Tui dulcedo, ingens augusta clementia arrha efficit;
quâ Cyros, Augustos, Severos ut vincas;
omnium jam animi mansuetudinem vicisti;
vt jam Ageistratæ Spartanam vocem illam;
suprà Agidem filium, mutare liceat;
Tua Te bonitas, Tua humanitas,
non: absumpsit, sed assumpsit;

G 2

65 eò

*Et cò quidem, ubi Tecum sit, magni custos clementia sceptri;
vt Ciuem, Patremque geras;*

*quem in Te, vel ipsa naturæ bonitas, sic formauit;
vt plenus ille Majestatis vultus, non aliud postulet magis;
quàm diligi,*

*non aliud spondeat securius, quàm Regium illud;
beneficia conferendo nunquam vinci,*

*quibus, ex inimicis etiam facere amicos, cum liceat;
opus id sanè Heroicum, Tuum vnice putas;*

*quòd didiceris,
pulcherrimam esse ex inimicis victoriam, amicitiam.
Arduum id, & non sine conflictu;*

*sed magnanimitas, & inuicta cordis tui constantia,
vuas ex spinis, inter aduersa, collegit semper.*

*Inde Vlyssæas plusquàm vicens hyemes,
contrà fortune impulsus amulatus, illud magno animo voluebas;
Lætiùs est, quoties magno sibi constat honestum.
quale illud,*

*cum IOANNE ZAMOSCIO Auunculo Tuo,
contra Sereinetum ad Czudnow;*

*cum SERENISSIMO IOANNE CASIMIRO,
contra Moschos, & Cosacos vltra Borysthenem;
Marte rigidissimo partum;*

*ubi paternæ gloriæ vestigia secutus;
bellicæ virtutis decora, ab eius gentis trophæo, auspicatus es;
quam ille primam vicit.*

*Sic quæ per ardua Tecum, ad summa processit;
antè Coronam inuicta, pro corona victrix,
triumphat
in Te*

SOLA VIRTUS.

**SEPTIZONII
TRIVMPHALIS,
REGALE FASTIGIVM.**

**Nec felicitas humana procedere altiùs;
nec triumphale opus, quàm in Regali fastigio,
augustiùs desinere potuit:**

cùm ipsa etiam inexplebilis, ibi desinat ambitio;

ubi sola

ubi sola maior restat, per quam Reges regnant, potestas.

Nasci ad hoc culmen, fortunæ;

eligi, virtutis opus;

cui gratiæ omnium maximæ habendæ sunt;

quod melioribus calculos seruet.

*Descriptos certè optimos mortalium, in annulo suo, sola gestat, & nouit;
quos diu sub arcano signaculi seruans, ad coronam reuelat:*

qualem Te nobis,

SERENISSIME MICHAEL REX,

pretiosam ex hoc annulo gemmam,

quæ sola nouerat, sola dedit.

**Regiam quippe viam Tuam, ad hoc fastigium,
vt nemo adverteret;**

DEVS ipse, celatam esse voluit;

**callem eius ubique sacrum, & à se custoditum,
nunc demùm revelans;**

**cùm iam directa cælitus ad coronam, obseruare vestigia;
humanos ad ea nihil facere gradus, confiteri est.**

Regium hoc iter,

DEVS tecum, ab eo potissimùm tempore ingressus;

cùm Tu ei in via, nube Eucharisticâ velato, pronâ adoratione occurrens;

RUDOLPHINÆ pietatis exempla renovasti.

**Exultauit ille ad currendam viam, venerando Sacerdotis pectori incumbens;
vt cibus vitæ, viaticum morientibus fieret;**

sed non minùs in Te,

**ad genua Sacerdotis prouoluto, atque vt equum conscenderet obsecrans,
vt Rudolphinam benedictionem festinaret, exultauit;**

à vijs Tuis non jam ampliùs recedens;

**cùm Tu in vijs eius ambulare, quando cibus ipse ambulat,
Diuinum Myrtam comitatus, elegeris.**

In hoc ferculo cœlesti latens;

**ipse Te sustulit in solium; cuius Tu Maiestatem vt tolleres,
pronus in terram descendisti;**

**qui etiam, in admirando Electionis Tux opere,
apparuit inter homines: QVIS VT DEVS?**

in peruigilio Eucharistici Festi sui,

mirabilia Altaris, & Throni Tui coniungens;

vt in Eucharistico pane, tam piè olim adoratus;

DEVS HOMO, pro Electo suo victor;

Craftino, humana consilia omnia, duceret in triumpho.

Auspiciùs id Regnatricis Domûs,

H

Augu-

Augustissimo sanguini Austriaco non dissimile,
victuræ illius felicitatis prerogatiuam,
ab immortalis vitæ cibo, nutrimentoque fumens;
Sacram Regum mamillam invenit;
ut nutritios divinitatis ex KORYBTHO,
si non immortales in terris; diuturnos certè faciat.
Ex hoc duraturæ felicitatis nutrimento,
amoris quoque publici, fomes ille perpetuus accenditur;
qui sacer imperantium ignis est.

Præcedere eum, summos olim Monarchas in publico oportuit;
ut tum demum, securam imperijs suis claritudinem sponderent;
si corda civium, sacram hanc benevolentie conciperent flammam:
quæ TIBI

SERENISSIME MICHAEL REX

ad Regale Fastigium Tuum, tanta præluxit;
ut non alias, cælestes Virga Promethei felicius tulerit scintillas;
quibus cor Poloniæ,

ad Heroicum opus perficiendum animaret.
Orientem proinde ad Regni auspicia solem;
nemo Te felicius, in occasu illius diei conspexit;
quæ sola ut Iosue Polonum haberet, meruerat;
cùmque solem suum, invitum planè ab illo,
memorando omnibus retrò seculis spectaculo,
non tam declinare; quàm rapi sub terras vidisset;
mille pro eo, amoris & gaudij publici, lampadas accendit;
nocte illâ, sole novo in folio Regni æternum lucidâ;
quæ secutura deinceps,

discussis tenebris in lucem secula fudit:
Aurora tùm in Hesperum mutata, matutinos purpure sua, præ gaudio reliquit ortus;
ut insolitum decus illud spectaret;

quod in Regia Tue purpure, felicissimo ortu accendisti.
ita in crepusculo illo,

eminentissimum Tibi Majestatis fastigium assurrexit;
in quo dubiam Poloniæ lucem, arcanum illud;
quod lucem diu habitavit inaccessibilem,
Serenissimam fecit, & Augustam.

Hæc ergo,
cùm Thronum Tuum, coronata jam ambiat;
in angusto capite Tuo, spem publicæ felicitatis coronat:
quæ Te Principem accipit,
Lechico, Piasleo, Iagellonico,
Sanguini, & Sceptro,

Proge-

progenie, indole, virtute eminentissimâ parem;
polliceturque sibi haud dubiè,
PIVM, AVGVSTVM, CLEMENTEM, FELICEM;
qualem omninò ex visceribus Patriæ nasci;
& à mellitissimo examinis apum præfagio, venisse oportuit:
quibus natura in illo minimo, duo providit maxima,
Vbera, & memoriam:

ab illis Patria, felicitatis temporû Tuorû, dulce nectar sugens, ut pendeat;
hæc ut KORYBTHÆI sceptri, memoriam faciat immortalem;
ex utroque, ut novum mellei sæculi conditorem,

suum agnoscat Polonia PIASTVM.

Nomen hoc in Regali fastigio, planè divinum;
secreti illius, aurea clavis est;
quod diù latuit, ut orbis judicia exerceret;

inexpectato demum argumento convincens gentis Polonæ genij, ad imperiû nasci.

FELIX SECVLVM,

quod domi suæ, peregrinari tandem nolens;
contrectatum sæpius, semperque è manibus elapsum,
ut lubricum non amplius bonum faceret, forti brachio comprehendit.
Sed ô quàm!

antè thronum, eius Majestatis, sollicitam Te provolui oportet,
ô POLONIA!

quæ omnem in se, solitudinem Tuam transferens;
dedit inter anxia vota, bonum tam delicatum;
in quo conseruâdo, nisi anxia sis; nihil Tibi tam excellenter sapuisse profuerit.

Solitudinem Tuam duo maxima augent;
immortali DEO grata ut sis; & ut gratiam serues;
ad vtrumq; obligata, neutrum absq; eo factura;
qui Te gratiâ suâ prævenit.

Bonum hoc, non ostentatum foris, sed domi inuentum, si stupes?
gratiarum actionem pro eo quomodo loqueris?
nescio loqui. Propheticum, scitissimum hinc ad eloquentiam inuentum.

Loquere ergo A. A. A. Domine;
Amor, Affectus, Angustia dicentis est.

Amplius in gratiarum actione, nec proficies, nec compones:
nemo enim publicam lætitiâ disertè loquitur.
interruptis affectibus, & tanquam in magno populo fluctuantibus;
indicabis eam potius, quàm dices.

O divinum ætatis nostræ enthusiasum!
ô lætitia sine eloquentia, quàm suavis, quàm magnifica es!
in qua gratiam sentire licet; capere & effari non licet.
defectus hic mortalium, immortalis gratiæ excessus est:

H 2

exquò

ex quo noua iterum Tibi sollicitudo, ô Sarmatia!
 vt quam eloqui nescis, gratiam serues.
 Extrema quippe diu laborantium infelicitas;
 diu illud agere, quo diu frui nequeas.
 Plures tamen bonum, vel acceperê felices; vel acquisiuere solliciti;
 quàm seruauere circumspècti.
 Res namq; centoculis digna, custodia felicitatis est:
 sed ad eam Argus, inter mortales tam nullus; quàm Endymionû plena omnia.
 Oculatas igitur manus,
 quibus delictum Tuum complectaris & serues,
 cælitus Tibi ô Patria poscens, hoc age;
 vt quod ex corde Tuo prodijt, non alibi uiuat:
 quidquid tamen egeris, hoc crede;
 Reges amoribus publicis custodiri, non excubijs:
 & quem ipse dedit, Principem Tuum Deo cordi futurum.
 Sic de eo cogita;
 sic in eo Sapientiæ ex alto Oraculum venerare;
 vt quidquid illud, in ancipiti Sceptrorum, cõsilia tibi humana respondissent;
 eò loci habeas, quò profana habentur.

Tuus verò
 electione, præfagio, animorum consensu, orbis applausu,
 ipso etiam nomine, res omninò sacra,

S E R E N I S S I M V S
 M I C H A E L K O R Y B V T

Rex in æternum uiuat;
 in quo, si Martem cogitas;
 Vindex, bellator, Victor,
 ad eum.

^{1 13 8 10 9 7 6 3 4 2 5 12 11 14}
 M V C R O L E C H I A B I T;

si pacificum amas, & optas;
 Niuea

Pietatis, Clementiæ, Pacis,

^{4 2 3 6 10 11 14 8 9 7 13 1 12 5}
 H I C E R I T C O L V M B A.



Impressum sumptibus Novodworscianis.

Hirt. Polen. 6 pp.

28^a

